

Broj: 02-11-4-2097-9/25
Datum, 19.12.2025. godine

Na osnovu člana 64. stav (I), tačka b) i člana 70. st. (1) i (3) Zakona o javnim nabavkama („Službeni glasnik BiH”, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 02-11-4-2097-1/25 od 28.11.2025. godine, federalni ministar raseljenih osoba i izbjeglica **d o n o s i**

O D L U K U

o izboru najpovoljnijeg ponuđača za nabavku roba – računarske opreme za potrebe Federalnog ministarstva raseljenih osoba i izbjeglica

I

U cilju odabira najpovoljnijeg ponuđača, u provedenom konkurentskom zahtjevu javne nabavke roba - računarske za potrebe Federalnog ministarstva raseljenih osoba i izbjeglica, evidencijski broj nabavke: 02-11-4-2097-3/25, broj Obavještenja o nabavci sa portala javnih nabavki: 668-7-1-119-3-66/25, vrši se izbor najpovoljnijeg ponuđača koji je u konkretnom postupku jedini ponudio prihvatljivu ponudu, i to:

- **Elur d.o.o. Kiseljak, sa ukupnom cijenom ponude bez PDV-a, u iznosu od 29.425,00 KM**

II

Ponuđač iz tačke I ove odluke ocijenjen je kao najpovoljniji, jer ispunjava sve uvjete postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudio je najnižu cijenu.

III

Izabrani ponuđač iz tačke I ove Odluke dužan je dostaviti dokaze o kvalificiranosti, u skladu sa članom 45. stav (2) tačka a) do d) Zakona o javnim nabavkama, u roku od 3 (tri) dana nakon što budu obaviješteni od strane ovog Ministarstva o rezultatima postupka nabavke.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Konkurentski zahtjev javne nabavke računarske opreme za potrebe Federalnog ministarstva raseljenih osoba i izbjeglica pokrenut je Odlukom o pokretanju postupka nabavke, broj: 02-11-4-2097-1/25 od 28.11.2025. godine. Procijenjena vrijednost nabavke iznosi 29.500,00 KM bez PDV-a i predviđena je Planom javnih nabavki ovog Ministarstva, dio Robe, redni broj 15. – nabavka računarske opreme. Obavijest o nabavci, broj: 668-7-1-119-3-66/25 poslana je na objavu dana 01.12.2025. godine, te je zajedno sa tenderskom dokumentacijom, istog dana objavljena na portalu Javnih nabavki. Nakon provedenog postupka nabavke, predviđeno je zaključivanje ugovora sa jednim ponuđačem.

Tendersku dokumentaciju preuzelo je 30(trideset) privrednih subjekata, a 2 (dva) ponuđača su dostavila ponudu u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Elur d.o.o. Kiseljak i Fixit d.o.o. Sarajevo.

U skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23) provedena je e-aukcija dana 17.12.2025. godine, sa početkom u 09:50 sati, za javnu nabavku računarske opreme.

Nakon provedene e-aukcije, Komisija je federalnom ministru raseljenih osoba i izbjeglica dostavila Zapisnik o pregledu i ocjeni ponuda, broj: 02-11-4-2097-8/25 od 17.12.2025. godine sa preporukom o izboru ponuđača Elur d.o.o. Kiseljak, ID broj: 4236010950005, sa sjedištem u ul. Žrtava domovinskog rata 2, Kiseljak.

U postupku donošenja ove odluke, posebno su cijenjene činjenice da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnost, niti propuste u radu, a koji bi eventualno bili osnov za neprihvatanje preporuke Komisije za javne nabavke.

U postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke.

MINISTAR

Nerin Dizdar

Dostaviti:

1. Svim ponuđačima u postupku
2. Komisiji za nabavke
3. Web stranica Ministarstva
4. a/a